

Willem Vermandere, Lat Mie Maar Lopen

'k Moest heel mijn jong leven studeren
En 'k wierd computerspecialist
'k Kost het zodanig programmeren
Totda' 'k van toeten noch blazen meer wist
Bievoorbeeld hoeveel mocht ik eten
Sta mijnen buik nog niet te bol
Mijnen computer kost dat weten
De stand van mijnen colesterol

refren':

Lat mie maar lopen langs de straete
Ik en mijn lief da' 'k zo geiren zie
En dansen doen we tot 's avonds laete
En dichte vrijen ik en zie

Ik had een huis 't was een kasteeltje
Met vast tapijt en sjiek behang
Mijn moeder zei 't is een juweeltje
En 'k peisde 'k ik 't is mijn gevang
Wil j' u electricisch installeren
Zoek je nen diepvries of nen frigo
Deur 't feit da' 'k ik mie nie moe scheren
Krijg je mijn scheermachien cadeau

refren'

Mijn caravanne ga 'k verkopen
En mijne velo is hersteld
Ik lere were te voete lopen
De cote d' azur is afbesteld
Voor mijne verjaardag 'k mag nie stoelen
Krijg ik en 't is heel binnenkort
Een schoon paar nieuwe beste kloeten
'k Ga nie meer mee op wintersport

refren'

Nu kweek ik zwijns en 'k kweeke schapen
En 'k steeke keuns in 't hondekot
'k Zaai mijn pelouse vol met rapen
Voor 't naaste winter in den hutsepot

refren'